

許
州
志
卷
一



DS
793
H52.H835
1838
v.2

許州志卷之一

直隸許州知州高安蕭元吉纂修

方輿

疆域
風俗

沿革
土產

星野

山川

疆域

許本春秋許男國秦變封建置潁川郡許舊地
入焉漢魏唐宋以來稱名屢易今之許更非昔
之舊矣然區畫疆域瞭若指掌雖與四邑分土
分民而令丞尉胥受統制爰舉其地之四至八
道合書以備觀覽

許州

本春秋許男國故名

東至鄆陵縣

界在磚橋四十五里州治抵鄆陵縣七十里

東南至臨潁縣

界在大石橋三十里州治抵臨潁縣六十里

西南至襄城縣

界在岡子舖西四十五里州治抵襄城縣九十里

西至禹州

界在象琅城四十五里州治抵禹州八十里

西北至長葛縣

界在帳地店北三十里州治抵長葛縣五十里州治抵新鄭縣

九十
里

北至洧川縣

界在梁莊舖三十五里州治抵洧川縣七十里

至開封府汴梁城

二百一
十里

至京師一千七百里

統四縣

臨潁縣以在潁水之上故名

東至西華縣界在商城四十里

南至鄆城縣界在小商橋二十五里

西南至舞陽縣界在葛岡四十里

西至襄城縣界在礮橋五十里

東北至鄆陵縣界在韓梁寺四十里

襄城縣周襄王出居於此故名

東至臨潁縣

界見上

東南至舞陽縣

界在洛岡二十里

南至葉縣

界在湛河三十里

西至郟縣

界在行陽二十五里

西北至禹州

界在白塔寺三十里

鄆城縣

在臨潁東南本古鄆子國故名

東至商水縣

界在黃坡店四十五里

東南至上蔡縣

界在百尺鎮七十里

南至西平縣

界在石界橋三十五里

西南至舞陽縣

界在吳城鎮五十里

東北至西華縣

界在歸村五十里

長葛縣

一名
繻葛

東至洧川縣

界在司馬鋪二十五里

西南至禹州

界在石固鎮四十里

西北至新鄭縣

界在會河三十里

北至中牟縣

界在韓莊鎮三十里

沿革

附屬沿革郡縣因易文莊既詳考其域誌之秦

以上本左氏史記漢以下各本其地理志

國朝定鼎以後陞許爲府尋改爲州甄志紀載又其

悉也今因之

唐

豫州之域

虞夏商

封皐陶之後

周

許國姜姓男爵堯太岳之後武王時文叔始受封傳十一世至穆公始著於春秋

春秋

許穆公傳僖公傳昭公傳昭公皆在許昭公傳靈公遷於葉靈公傳悼公遷於夷又遷於白

羽又遷於容城以上許皆依楚而故國爲鄭有

矣

附屬邑

襄城縣屬鄭古汜地周襄王避

叔帶之難出犇鄭居於汜是也史記韓哀侯二年滅鄭遂屬韓長葛屬鄭魯隱公五年宋人

伐鄭圍長葛六年宋人取長葛桓公五年諸侯從王伐鄭鄭伯禦之戰於繻葛皆其地也

潁屬許魯隱公十一年鄭伯使許大夫奉許叔
居許東偏是也鄆城屬楚齊桓公伐楚次於

陘盟於召陵
皆其地也

戰國許屬韓魏之地襄城縣屬魏長葛臨潁潁鄆城俱屬魏戰國策蘇秦說魏王曰大

王之南有許鄢
陽召陵舞陽是也

秦許爲潁川郡
臨潁縣襄城縣
郛城縣長葛縣
俱屬潁川郡

西漢許爲韓國尋置許縣屬潁川郡潁陰縣亦其封內襄城縣屬潁川郡莽曰相城長葛

縣屬潁川郡以其社中樹暴長更名長社縣
臨潁縣屬潁川郡莽曰監潁 郾城縣屬潁川

郡召陵亦其封內

東漢

許為許縣屬潁川郡
長葛為長社縣
監

三國魏

許為許縣屬潁川郡
襄城縣
黃初二年改許昌縣屬潁川郡
臨潁縣

俱屬潁

川郡

晉

許為許昌縣屬潁川郡
襄城縣置襄城郡
屬焉
長葛為長社縣
臨潁屬潁川郡
西

北二十里即潁陰故縣置繁昌縣屬襄城郡
鄆城縣屬潁川郡
召陵亦其封內

南北朝

宋許為潁川郡
宋書地形注云舊名昌許
曹魏改名許昌
西魏置許昌郡後入東

魏改曰鄭州後周改許州治長社縣許昌縣亦

其封內
襄城縣後周以縣置汝州北齊人置

漢廣郡亦其封內尋廢
臨潁縣西魏為縣并

潁陰屬潁川郡北齊屬臨潁郡
鄆城縣後魏

為潁州郡後齊改臨

潁郡召陵亦其封內

隋

許為潁川郡開黃初郡廢潁川縣黃臺縣亦其

封內大業初廢黃臺縣入焉置潁川郡襄城

縣開黃初郡廢大業初州廢仍隸潁川郡汝墳

縣亦其封內長葛縣屬潁川郡臨潁縣屬

潁川郡繁昌縣亦其封內鄆城縣

復改潁州為鄆城縣屬潁川郡

唐武德四年置許州十七年置都督府尋罷天寶

元年為潁川郡乾元元年復為許州治長社縣

黃臺縣亦其封內貞觀六年省入長社襄城

縣武德元年復為汝州并置汝墳期城二縣貞

觀元年州廢以二縣入襄城屬許州開元二十

六年改屬汝州尋復屬許州天寶七年復屬汝

州長葛縣屬許州臨潁縣貞觀九年省繁

昌縣入焉建中二年屬潁州貞元二年屬許州

鄆城縣武德四年為道州貞觀元年州廢省

召陵西平入鄆城屬蔡州建中二年置潁州貞

元二年州廢縣還故屬元和十二年復置

潁州長慶元年州廢縣還故屬改屬許州

五季

後梁許改匡國軍
後唐許改忠武軍

四縣俱屬許州匡國軍
四縣俱屬許州忠武軍

宋

許初因忠武軍元豐二年陞潁昌府崇寧四年
為南輔隸京畿大觀四年罷政和四年復為輔

郡隸京畿宣和三年罷輔郡仍隸京西北路建
元二年沒於金襄城縣屬汝州長葛三縣

俱屬潁

昌府

金

天德中許復為許州未幾改昌武軍長社亦其
封內襄城縣屬汝州泰和七年屬許州三

縣俱屬

許州

元

許州屬汴梁路治長社縣
四縣俱屬許州汴梁路

明

許州屬開封府
四縣俱屬許州

國朝定鼎因之雍正二年改許州為直隸州四縣屬

焉雍正十三年陞許州爲府置石梁縣爲附郭臨潁襄城鄆城長葛禹州密縣新鄭俱隸許州府乾隆六年仍改府爲直隸州裁石梁縣轄臨襄鄆長四邑而禹州密縣新鄭仍隸開封府

星野

史家志天文源出於周禮保章氏作郡邑志者亦仿以紀星野雖謹嚴如武功志無以易也今仍之

周禮註疏房心爲豫州

左傳國僑以心爲大火宋屬之

唐一行云自析木紀天漢而南曰大火初氐二度餘千四百一十九抄中房二度終尾六度

史記天官書以氐房心爲豫州分星許在豫州境內班固取三統歷十二次配十二野自氐五度至九度爲大火於辰在卯宋之分野屬豫州費直周易分野起氐十一度蔡邕月令章句起亢八度與班言頗有先後

晉書天文志房心宋豫州入房一度陳卓范蠡鬼

谷子張良諸葛亮樵周京房張衡說同

玉歷森羅紀潁川入房一度星曰大火宮曰天蠋
時曰卯周天三百六十五度四分度之一每度九
百四十分四星六度潁川入房一度其分數多寡
未詳大火三星六度卽心也天蠋凡二十一星其
形如蠋故曰天蠋氏房心於辰屬卯於律爲無射
斗建在戌

山川

許屬惟襄城西南山最多載於山經及莊子者

獨首山川之見於水經者曰汝曰潁曰潑
貫許臨襄鄢入淮餘皆支流滎滎衣帶水耳備
誌左方而岡澗則以類附焉

孝山

在州西北五十五里其陰有黃香墓故名墓
地屬禹境由其巔而陽皆屬許境山名見禹

志又見通
志錄屬許

首山

在襄城縣南五里縣治之案山也山海經薄
山東南三百里曰首山其陰多穀草多棗莞

其陽多瑇瑁之玉木多槐其陰有谷曰機谷多
獸鳥其狀如梟而三目有耳其音如錄食之已
堊史記天下名山有八五在中國首山其一也
外記云黃帝采首山之銅鑄鼎於首山之陽莊
周謂黃帝登具茨訪大隗命駕於襄城之野七
聖皆迷遂見童子而問道焉卽此山也但鑄鼎

事出於齊人公孫卿所受黃帝鼎書其言誕怪而莊周多寓言未可據以爲信耳輿地名勝志云首山者縣西南諸山迤邐直接嵩華而實起於此故名聖泉出上鴻烈墜形訓天地之間土有九山會稽泰山王屋首山太行太華岐山羊腸孟門 宋梅聖俞首山畱別詩云我本山水鄉看山常不足自從到官來塵事便拘束嘗聞此山寺法宇深雲木無由一來過夢想向巖谷案田趨隣壩跨馬涉平陸良友送我行偶與賞心屬禪庭鳴白鷄祖席歌黃鵠野氣逼人寒嵐光添酒綠言離非遠離但愛交情篤重遊應有期君亦行車促

令武山

在襄城縣西南三里有令武將軍祠墓在焉故名

龜山

在襄城西南十里以其狀類龜故名元大德間因求雨鑿二石眼泉出不竭卽今所存二

井是也

紫雲山

在襄城西二十五里上有廢塔俗呼半截塔為襄城二邑之界許昌李炳南詩云

洞口雲光鎖床頭竹蔭交酒醒仍偃卧詩就懶推敲蛛網封書屋藤絲挂樹梢何人曾到此展

齒印山

仙翁山

在襄城西南十八里上有葛仙翁觀煉丹井皆晉葛元之蹟故名

陘山

在長葛西四十里唐地理志所謂小陘山者是也

高陽山

河南通志云在襄城南

紫荊山

河南通志云在長葛西五十里長葛禹州分界處洪河發源於此

魚齒山

漢志云在襄城或以為卽仙翁山

梅嶺

卽孝山之東南嶺其上悉碎白石望之一片瑩明如梅花然故名嶺名見通志錄全屬許

州

吳家洞

在州西北二里 明邵寶詩云古壘如天設登臨眼界寬德星何處聚湖水竟漫漫

西湖

春雨村村遍吾遊亦感時
千古盛誰和老坡詩

白雉岡

在許州東北三十五里南北朝魏神龜年間潁川郡獻白雉故名

三岡

在州西四十五里水渰店西旁潁水倍極清幽

駱駝嶺

在襄城西南二十里紫雲山之隘也旁高中下狀如駱背故名

潁谷

在襄城北四十里潁水之陽潁考叔為潁谷封人即其地也

伯達岡

在襄城北三十里下有八塚俗傳周八士墓未知是否

封陞岡

在長葛東南十里古聞人姓氏故名

太平岡

在長葛西三十五里宋太平興國間建寺於上故名

佛兒岡

在長葛西北七里上有古佛故名

馬陵岡

在長葛北五十餘里入中牟縣境上有廟祀龐涓按齊孫臏伐魏救韓伏兵於馬陵

其地在今大名府東南十里此祀龐涓誤矣

白雁陵

在長社見宋書地形志

天明岡

在臨潁西南四十里俗呼鬼夜築城將成而天明故名

研岡

在臨潁東南三十里

葛岡

在臨潁西南四十里

何家岡

在臨潁北十里

靈子岡

在臨潁北二十里

栢窰岡

在襄城縣東四十里

聚奎岡

在鄆城縣北門外東隅正應學宮

宋岡

在鄆城西北一十五里

卓君岡

在長葛東十里有卓太傅廟

鳳凰岡

在長葛西北漢黃霸治潁川時鳳集於此故名

古城岡

在長葛北十五里漢黃霸治潁川時有東南二城此係東城故址在其上

應宿嶺

在鄆城北

召陵岡

在鄆城東北二十五里旁有召陵城卽春秋齊桓公盟於召陵處

東紫岡

在鄆城東南三十里以土色名

西紫岡

在鄆城西南十五里與東紫岡相對上有古寺基

凌河岡

在鄆城東北二十里昔有暴水左右皆衝爲河惟此岡巋然獨存故名

麥陵

在襄城東四十五里

拒陵

在臨潁縣秦龍城西

六王川

在襄城西南十里當龜山令武山駱駝嶺之衝東西亘約十里許坦然平夷有楚六

公子墓故名

潁河

在州西四十里出登封潁谷山東流經禹州本州襄縣臨潁入於蔡達於淮郡之得名以

此一名褚河未詳其義

潁水 在許州北二里自長葛縣流入源出大塊山名魯固河又名清流河南經臨潁縣而合於潁

石梁河 在州西七里出禹州郭連里東流經本州臨潁入於蔡達於淮

石梁河又名五汲河 見通志

長沙河五溝河 并在鄆城見金史

汝水 在襄城縣南水經注汝水出魯陽縣之大孟山黃栢谷東南逕郟縣故城南又東南逕襄城故城南對汜城周襄王出鄭居汜即此城也晉襄城郡治京相璠曰周襄王居之故曰襄城也今置關於其下

庾河 在襄城北三十里即伯達河也

雙泊河

在長葛北三里以溱洧合流而名溱水出滎陽會城西北雞絡塢下東南入洧洧水

出滎陽密縣西馬嶺山東流經本縣洧川達於河

瑪瑙河

俗名泥河在臨潁縣西南四十里出襄城東北二十五里流經本縣郛城入於河

棗祗河

在臨潁北三十五里潁河之支流也曹魏時棗祗募民屯田許下引流灌溉得穀百

餘萬斛因以
其名名河

五里河

在臨潁北五里潁河之支流也

艾城河

在臨潁東北三十里

泚水

音雉左傳註泚水出魯陽縣東經襄城定陵入汝接泚水即水經澧水俗名沙河今由襄

城東三十
五里入汝

澮河

在襄城東北三十五里逕化行鎮入渚卽通志云澮渚經於東北者也

風河

在襄城北十里輿地名勝志云卽伯達河也

房村河

在襄城西北三十里南流入汝

澧河

在襄城北四十里入乾勒河

乾勒河

在襄城東不羹城下東流入朱湖潭

汜水

在襄城北七里源出邑王洛子東經武灣入汝此支水耳不見於經舊志以縣曰汜南取

此誤襄有汜城而無汜水酈道元註水經辨之甚詳

淩河

通志云源出新鄭縣經長葛東北入雙泊河

小洪河

通志云在長葛縣源出紫荆山明流一十里伏流一十里經陳太邱祠東注入潁水

藕河

在臨潁北十五里里入引渚水種藕故名

潁河

一名沙河在郾城南四十步出魯山阜君山流二里會澧河東經本縣商水項城入潁河

小澧水

在臨潁西南以郾城南有大澧水故別其名東流合於大澧水唐貞元十五年討吳

少誠潰於小澧水又元和十年李光顏等敗淮

西兵於小澧水又中和五年朱全忠擊秦宗權

敗之於澧水即小澧水又有澧水在縣西十里

或曰小澧水之支流也李光顏及吳元濟戰於

臨潁敗之於澧水上

澧河

在郾城南二里出舞陽城北河東南經本縣會沙河

澧河

在郾城南二十五里出寶豐龜兒山東北流經本縣南會於澧河

洄河

在郾城縣東三十里唐元和中討吳元濟降將李祐言於李塑曰蔡之精兵皆在洄曲是

也洄曲者縣有蔡水在城東五里卽汝水也源
自魯山縣來又有澧河自舞陽縣來至縣來螺
灣渡北流合汝河又東南
流其處故謂之洄曲也

土壩河

又名乾勒河在鄆城北二十五里蓋卽瑪
瑙河之下流至是而易名焉東流入於河

書所謂厥土
墳壩者也

西湖

在州西北石林詩話云許州西湖與子城密
相緣附而城下可策杖往來不涉城市云是

曲環作鎮時取土築城因以其地導潁水潄之
畧廣百餘畝中爲橫堤初但有其東之半耳其
西廣于東增倍而水不甚深宋莒公爲守時因
起黃河春夫浚治之始與西相通則其詩所謂
鑿開魚鳥忘情地展盡江湖極目天者也宋
梅堯臣詩云新秋萬柳齊鶯度水東西城上明
殘照雲間挂斷霓烟蒲勻若翦沙岸淨無泥只
恐朱藤密如過罨畫溪陪胡使君西湖蓮泛

俞芝詩云蘭橈畫楫草如煙鷓鴣水接天
人倚芙蓉紅碧眩香分蘅杜竿籌遶固知風月
資高咏況是山川屬盛年郭李仙舟饒逸興夾
堤銀燭泥歸鶻胡太守重理西湖郡人魏彥
詩云小築湖亭傍水西踏來猶是舊香堤波光
日麗明妝鏡柳陌烟消見彩霓一葉蓮舟堪載
酒數竿漁釣半藏溪賢侯此日同民樂共賦新
詩落品題宋蘇軾詩云西湖小雨晴灩灩春
渠長來從古城角夜半傳新響使君欲春遊浚
治役千掌紛紜具畚鍤閭閻若蟻運壤天桃弄春
色生意寒猶快惟有落殘梅標格若矜爽遊人
畝已集挈榼三且兩醉客卧道旁扶起尙偃仰
池臺信宏麗貴與民同賞但恐城市歡不知田
野愴潁川比不登野氣長蒼莽誰知萬里客湖
上獨長想和蘇子瞻西湖韻黃璿詩云夜雨
注河山曉覺西湖長翩翻蓮葉欹潑刺魚藻響
風定綠波平瑩徹若舒掌潑灩燭鬚眉清容湛
穹壤鷗鷺心悠悠賓從心快快開襟納涼颺心

目俱蕭爽羽蓋浮沅沅歌妓行兩兩時清民物
康俯樂無愧仰偶此公家閒起拉朋簪賞記得
往年荒饑饉民悽愴亦有綠林兒乘凶出草莽
居安不忘危於焉駐遐想宋程顥詩云渙水
橋邊鴨子陂樓臺只在郡城西煙波乍見心先
快島嶼將尋路欲迷盡日無風橫舴艋有時經
雨飲虹霓如何咫尺塵埃地能使遊人意不齊
楊龜山頴昌西湖泛舟詩二首云扁舟乘興
漫追尋路轉河回入柳陰拂面落花春意盡避
人幽鳥野情深漸無健思供吟筆賴有寒光映
客心日暮倚風歸棹急一鉤新月挂遙岑春過
鶯花無處尋移舟行近古城陰褰衣水上收殘
片傾耳枝間覓好音山隔曲堤迷遠近魚游文
藻亂浮沉飄然自得江湖趣陡起歸興萬里心

堰口

在州城北每歲
二月放水灌注

秋湖

在州東二十五里一名東湖今水涸民田其
甄汝舟勸農偶至秋湖詩云半綠半黃

楊柳乍晴乍雨春天恰喜訟庭生草且課農家
種田秋湖竟無尺水春麥已長寸苗綠疇染

色如畫黃鳥啼聲更嬌

樵澗

在州西南三十里相傳為蔡順遇赤眉之地
澗因以名甄汝舟樵澗懷古采桑子詞云

濟陽孝子求桑甚供奉萱闈啓口含悲感動强
奴洗赤眉而今指點流芳處澗水潏洄廟貌巍

巍幾樹桑陰照落暉

靈井

在州西三十里其水色幽而氣溫潏不溢旱
不涸灌田數百畝每祈雨即應民以為龍潛

其中故名黃璫詩云碧甃俯銀牀凝寒紫纓
長千年閼靈應九夏挹清涼漱齒詩喉潤澄心

俗慮忘三農如有旱虔禱注甘霧

小濟水

在州西北四十五里其水時見時伏類
濟水而小故名水名見昆陵鄭公碑文

韶華井

在州北
五里

洗肝井

在州東北許田保相傳孫村民張某繼母
病思食猪肝某急奔許田市已散悵然歸

過慈壽寺西忽自剖腹取肝一頁汲井水洗之
至家熟而奉母某腹竟無恙道旁古井因名爲

洗肝井云

斷人湖

在臨潁東北三十五里水北泛濫
絕人往來故名今水涸民田其中

灌溝

在臨潁西二十五里北接白河南接瑪瑙河
其南北有陡門二謂之陡門口曹魏時引水

溉田故名
今淤

老小溝

清陽溝

黃花溝

黃龍溝

皆在
臨潁

飲馬溝

在臨潁東南十里始因潁河決衝下
流爲溝元季兵起用以飲馬故名

石界溝

在郾城南三十里

河堰

在襄城東南四十里汝河南疊石爲岸長四五里甚陡峻中作階級洩洑者循之而下或

云楚平王之塚按楚都郢子胥鞭屍在入郢之日今荊州府缺縣有平王墓在焉襄之所謂河堰不知始於何時蓋臨水築城故爲堰以接水者決非平王之墓豈後人因鞭屍之事而附會與之

黑龍潭

在州南十五里卽石梁之滙處水最深

龍池

在襄城西北二十里舊傳有龍潛伏於此故名

仙翁池

在長葛北三十里一名靈池亦傳爲葛元之蹟

蓮花澗

在襄城令武山狀如蓮花故名

芙蓉澗

在襄城縣令武山內有歸雲洞原名四道溝以澗旁倚山處多種芙蓉改今名

赤澗

在襄城北故大岡唐時鑿岡為澗水皆赤色因以名

蝗蚘潭

在襄城西北二里內多蝗蚘明天順時汝水衝決築堤

白家潭

在襄城東二十里長五里許即大旱莫測其底舟行至此長年皆有怖色

龍井

在鄆城治東一百五十步

朱湖潭

在襄城東三十里總志謂瑤泉出於此土壩河下流至此匯而為澤

義井

在鄆城學東百步

長明溝

在長葛東北二十五里經洧川至尉氏西南匯為大陂東南入大溝河

沱溝

在鄆城東南五十里唐裴度築赫連城於此

城西通潁水河溝在長葛岳家橋起

夢陵陂在襄城驀嶺東北約千頃

大鴻口陂在襄城霍堰東北約七十餘頃

周家陂在郛城南三十五里

白龍王陂在長葛南

柳莊陂在長葛東北

河堰在郛城東南汝河之陰

龍池陂在長葛北

蓮花池有二一在臨潁東南十里以其形似蓮花瓣故名一在臨潁西南二十里形似曲尺

俗又名
曲尺河

老龍窩

在長葛北

風俗

家鶴膝戶犀渠唐鄭惟忠謂爲民風禁之則擾
似也然獨不曰紫衣化齊國之風長纓變鄒人
之俗乎許統四邑端愿勤勞之美今猶昔也間
有當調劑始益醴醅者惟在牧令之抵隙剗拂
耳

唐孔氏周禮註謂秉中和之氣蓋統言豫州不獨

許也

漢書曰潁川人尚忠其弊朴野高仕宦好文學以貪吝爭訟生事爲失

隋書曰好尚稼穡重於禮文其風皆近於古

風土記曰士風端愿民俗勤勞有巢由清節之風宋地理志曰其俗重禮義勤耕種

婚姻問名以後皆有宴會以召鄉黨親友供億之費衆共助焉或先事治具名爲告助謹著之籍他日報施亦惟其稱喪葬之費鄉黨親友相助如婚

姻

義社不論貧富願與者月朔望各出貲以謹愿者
一人掌之社中人嬰家艱則用以爲賻監護供張
皆取辦於社有忌事者共誚讓中殤以上皆有賻
至送塋有路祭飾幕侈器玩則浮蕩而無實喪塋
不沾沾青烏家言亦不盡用僧道追薦然重諸冥
器僞物以酒餽欸弔客非豐腆輒爲人所薄中人
小可之家往往因艱於籌備親死不塋淹至十餘
年者旣塋重墓祭歲時令節必潔庶飭寓錢於紙

酌酒敷新土於墓頂

凡冠婚喪祭之家祀其先人必請生員贊禮名曰
禮相先期送請啟餽聘儀設席懇央至期禮相具
公服以往主家盛設以待叩謝者再以相請多人
爲勝

禮神報賽以醪錢演戲刲羊劉豕爲誠敬計一歲
中自非刈麥之期合樂饗薦之舉村村相續旣事
餽餘少長環坐至歡暢也而來遊來觀亦復互爲
賓主

歲旱祈禱多戾於禮其尤甚者水澆孕婦名曰澆

旱魃

國朝法禁嚴明其風久熄

明邵文莊公寶旱魃對云或問曰旱魃之說古有之

乎曰有詩曰旱魃爲虐此言魃之始也曰其與今之所謂旱魃者同與曰否詩曰旱魃爲虐註曰旱魃神也神異經有曰南方有人長二三尺袒身而目在項上走行如風所見之國大旱由此言之則所謂魃也者乃感戾氣而生初無種類故名曰神今之指孕婦所產形狀怪異者亦曰旱魃其諸異乎古之魃矣烏得同曰天地之間有氣化者有形化者古之所謂魃者氣化則神異經所云是也今之所謂魃者形化若梁太清中丹陽民莫氏所產是也生所異而所以爲魃者不異其謂之異者奈何曰物固有形化者然物之常耳若馬之生馬牛之生牛犬豕豺狼

麋鹿之生犬豕豺狼麋鹿化化無窮而種類不
易也以人之身而生魑形已不同而曷爲化哉
若莫氏所產乃數千年間希濶之事況能自言
爲旱疫鬼今之魑者形狀雖怪異未必如神異
之言而又不若莫氏者之能自言也且旱亦生
不旱亦生生於旱者謂之魑矣不旱而生者謂
之何哉抑嘗聞之水之怪曰龍罔象木之怪曰
夔罔兩土之怪曰犢羊火之怪曰宋無忌是四
者皆無種類者也吾意魑亦此類耳若魑而產
於人則龍罔象之屬果誰之產耶夫人之所產
則不得謂之神矣不得謂之神而能致旱未之
有也故今之魑非魑也人自魑之也此所以異
於古之魑也曰今人遭旱則索魑而以水澆之
輒得雨不能致旱而能弭旱何也曰有是乎子
之惑也非魑而可以爲魑則不能弭旱亦可以
爲能矣民之邪說何所不至而可遽以爲信哉
姑就彼而論焉魑產於人旱在魑不在人澆其
人無與於魑也亦奚從而得雨之有昔者穆公

之時歲旱召縣子而問然曰天久不雨吾欲暴
之而奚若曰天則不雨而暴人之疾子虐母乃
不可與然則吾欲暴巫而奚若曰天則不雨而
望之愚婦人於以求之無乃已疏乎夫以穆公
之謬其遭旱也止於暴巫巫而已未聞澆魃之
事也苟有是事穆公當先爲之矣魃巫之暴然
且不可況辱及無辜之婦人欲以格天致雨豈
可乎哉詩之所云蓋旱旣太甚無所歸咎不歸
之神亦以見無可奈何之意耳知旱魃而不知
其有可澆之理孰謂古人之智之反不如今之
人也春秋書不雨者若干夾漈鄭氏通志自秦
漢至隋史書旱者若干隔氏而後迄今又幾代
矣雖丹陽莫氏僅聞鄉隣多以絳兔而澆魃之
說竟不聞焉况所記亦未必無訛乎非魃而以
爲魃不可澆而澆之是皆民之邪說也曰孕婦
所產形狀怪異者多矣不謂之魃則何物也曰
吾聞之月令仲春之月先雷三日奮木鐸以令
兆民曰雷將發聲有不戒其容止者生子不備

然則孕婦所產形狀怪異者其或出於是也非所謂旱魃也

土產

地脈隨時遷轉百年頓異有不止橘踰淮而爲枳者許在李唐時土貢以柿及宋已少五代以御李子入貢今雖有而不足珍故就現在土之所宜者備列如左

穀

稻 稌

酒穀

紅白黑三種

黑黍

玉蜀秫

蕙苡

玉麥

米大麥

麥

稷

梁

菽

芝蔴

蔬

芹

波菱

胡荽

芋

白花菜

藕

寒菜

州城東南隅者最佳

環露

形似環故名與銀絲菜不同

白菜

黃芽

韭

銀絲

金針

草

書帶

旱蓮

蝦皮

地界

藍白藍大小二色二種

木

檜

桐

楸

皂角

椒

冬青

線栢

垂楊柳

松

桑

槐

榆

楊

竹

竹 石竹 紫竹 斑竹 叢竹 天竹

鳳尾竹

果

蓮房 芡 栗 銀杏 柑 林檎 木瓜

櫻桃 葡萄 頻婆 白梨 蜜果 文官果

金橘 落花生 棗 桃 柿 石榴 李

花

牡丹 芍藥 海棠 薔薇 金鳳 夾竹桃

玉簪 刺蘼 芭蕉 金蓮 桂花 秋海棠

蘇梅 梔子 瑞香 玉蘭 繡毬 芙蓉

菊 月菊 月榴 碧桃 絳桃 鷺鷥花

鄭許田野間二三月有一種花蔓生其香清遠
馬上聞之頗似木樨花色白土人呼爲鷺鷥花
取其形似也蘭卽蘭香草也漢渚池苑亦謂五里香
及許昌宮中皆種之

藥

麥門冬 車前子 苦參 何首烏 牽牛子

檮雞 紫背浮萍俗傳出許州城河西角者爲佳 半夏 紫蘇

薄荷 天花粉 香附子

鱗

蝦

蚌

螺

金魚

有三尾六尾
金箍銀箍者

羽

鸛

鷺鷥

鷓鴣

鳬

鴛鴦

鵝鵝

雉

太和雞



